



МОНГОЛ УЛСЫН
ЭРҮҮЛ МЭНДИЙН САЙДЫН
ТУШААЛ

2024 оны 03 сарын 15 өдөр

Дугаар А/122

Улаанбаатар хот

Өрхийн эрүүл мэндийн төвтэй гэрээ
байгуулах, хэрэгжилтийг дүгнэх, хяналт тавих,
гэрээг сунгах, дуусгавар болгох журмыг
батлах тухай

Монгол Улсын Засгийн тухай хуулийн 24 дүгээр зүйлийн 2 дахь хэсэг, Эрүүл мэндийн тухай хуулийн 16 дугаар зүйлийн 16.2 дахь хэсэгт, Эмнэлгийн тусламж, үйлчилгээний тухай хуулийн 5 дугаар зүйлийн 5.4, 5.5 дахь хэсгийг тус тус үндэслэн ТУШААХ нь:

1. “Өрхийн эрүүл мэндийн төвтэй гэрээ байгуулах, хэрэгжилтийг дүгнэх, хяналт тавих, гэрээг сунгах, дуусгавар болгох журам”-ыг нэгдүгээр, “Өрхийн эрүүл мэндийн төвтэй байгуулах гэрээний загвар”-ыг хоёрдугаар, “Өрхийн эрүүл мэндийн төвийн гүйцэтгэлийн шалгуур үзүүлэлт”-ийг гуравдугаар хавсралтаар тус тус баталсугай.
2. Өрхийн эрүүл мэндийн төвтэй гэрээ байгуулж, гэрээний хэрэгжилтийг хагас, бүтэн жилээр дүгнэж, хяналт тавьж ажиллахыг аймаг, нийслэлийн Эрүүл мэндийн газрын дарга нарт тус тус үүрэг болгосугай.
3. Тушаалын хэрэгжилтэд хяналт тавьж, мэргэжлийн арга зүйн дэмжлэг үзүүлж ажиллахыг Эмнэлгийн тусламж, үйлчилгээний газар (А.Өнөржаргал)-т, Санхүү, эдийн засгийн газар (Л.Лувсан)-т даалгасугай.
4. Энэхүү тушаал гарсантай холбогдуулан Эрүүл мэндийн сайдын 2022 оны 02 дүгээр сарын 22-ны өдрийн А/104 дүгээр тушаалыг хүчингүйд тооцсугай.



С.ЧИНЗОРИГ

141240545

ӨРХИЙН ЭРҮҮЛ МЭНДИЙН ТӨВТЭЙ ГЭРЭЭ БАЙГУУЛАХ, ХЭРЭГЖИЛТИЙГ ДҮГНЭХ, ХЯНАЛТ ТАВИХ, ГЭРЭЭГ СУНГАХ, ДУУСГАВАР БОЛГОХ ЖУРАМ

Нэг. Нийтлэг үндэслэл

- 1.1. Энэхүү журмын зорилго нь төрөөс хүн амд үзүүлэх эрүүл мэндийн анхан шатны цогц тусламж, үйлчилгээг үзүүлэх чиг үүрэг бүхий өрхийн эрүүл мэндийн төв (цаашид төв гэх)-тэй гэрээ байгуулах, гэрээний хэрэгжилтийг дүгнэх, хяналт тавих, гэрээг сунгах, дуусгавар болгохтой холбоотой харилцааг зохицуулахад оршино.
- 1.2. Гэрээний хэрэгжилтэд хяналт тавих, гэрээг сунгах, дуусгавар болгохдоо ил тод, нээлттэй, нотолгоо, тоон мэдээлэлд үндэслэн шударга үнэлж, аливаа хөндлөнгийн нөлөөллөөс ангид хараат бус байх зарчмыг мөрдөнө.
- 1.3. Гэрээний захиалагч тал нь аймаг, нийслэлийн Эрүүл мэндийн газар, гүйцэтгэгч тал нь Өрхийн эрүүл мэндийн төв байх бөгөөд гэрээг Аймаг, нийслэлийн Засаг дарга батална.
- 1.4. Төвтэй байгуулах гэрээний салшгүй хэсэг нь гүйцэтгэлийн шалгуур үзүүлэлт байна.
- 1.5. Аймаг, Нийслэлийн Засаг дарга захирамж гарган үнэлгээний багийг томилон гэрээний хэрэгжилтийг дүгнэнэ.

Хоёр. Гэрээ байгуулах

- 2.1. Төвийн өмнөх жилийн үнэлгээний дүнг үндэслэн гэрээг захиалагч, гүйцэтгэгч талууд харилцан зөвшилцсөний үндсэн дээр тухайн жилийн 1 дүгээр сарын 25-ны өдрийн дотор байгуулна.
- 2.2. Төвтэй байгуулах гэрээний гүйцэтгэлийг үнэлэхдээ Эрүүл мэндийн асуудал эрхэлсэн төрийн захиргааны төв байгууллагаас баталсан "Өрх, сум, тосгоны эрүүл мэндийн төвд үзүүлэх тусламж, үйлчилгээний журам, жагсаалт, гүйцэтгэлийг үнэлэх шалгуур үзүүлэлтийг шинэчлэн батлах тухай" тушаалд заасан шалгуур үзүүлэлтийг баримтална.
- 2.3. Гэрээнд дараах асуудлуудыг тусгасан байна.
 - 2.3.1. Оролцогч талуудын эрх, үүрэг
 - 2.3.2. Гэрээний хугацаа
 - 2.3.3. Гэрээний гүйцэтгэлийн шалгуур үзүүлэлтүүд, нэмэлт үзүүлэлтүүд
 - 2.3.4. Тайлагнах
 - 2.3.5. Гэрээ дүгнэх

- 2.3.6. Гэрээ цуцлах
- 2.3.7. Маргаан шийдвэрлэх
- 2.3.8. Бусад

2.4. Гэрээг 3 хувь үйлдэж, талууд гарын үсэг зурснаар хүчин төгөлдөр болно.

2.5. Талууд гэрээгээр хүлээсэн эрх, үүргээ аль нэг талын зөвшөөрөлгүйгээр гуравдагч этгээдэд хэсэгчилсэн буюу бүрэн хэмжээгээр шилжүүлэхийг хориглоно.

2.6. Талууд гэрээгээр хүлээсэн үүргээ биелүүлээгүйн улмаас үүссэн хохирлыг үүргээ биелүүлээгүй тал бүрэн хариуцна.

2.7. Жилийн үнэлгээгээр "Хангалттай" үнэлгээтэй дүгнэгдсэн төвтэй нэг жилээр байгуулна.

2.8. Жилийн үнэлгээгээр "Хангалтгүй" үнэлгээтэй дүгнэгдсэн төвтэй гэрээг цуцална.

2.9. Тухайн жилийн 7 дугаар сарын хагас жилийн үнэлгээгээр хангалтгүй үнэлэгдсэн Өрхийн эрүүл мэндийн төвийн даргыг чөлөөлж нөхөрлөлийн хурлаар дараагийн шинэ даргыг томилно.

Гурав. Гэрээг дүгнэх

3.1. Гэрээний хэрэгжилтийг жилд 2 удаа тухайн жилийн долоодугаар сар, дараа жилийн 1 дүгээр сарын 05-ны өдрийн дотор дүгнэж дүгнэлт, зөвлөмжийг гэрээ байгуулсан талуудад хүргэнэ.

3.2. Гэрээний хэрэгжилтийг дүгнэхдээ ажлын байран дээр, ил тод, шударга, нээлттэй зарчмыг баримтлан тэгш эрхтэй оролцон дүгнэж, үнэлгээний багийн болон өрхийн эрүүл мэндийн төвийн дарга нар үнэлгээний хуудсанд гарын үсэг зурснаар баталгаажна.

3.3. Гэрээний хэрэгжилтийн гүйцэтгэлийн үнэлгээг хүлээн зөвшөөрөөгүй тохиолдолд Өрхийн эрүүл мэндийн төв нь 2 хоногийн дотор гомдол гаргана.

3.4. Гомдол гаргасан тохиолдолд аймаг /сум/-ын засаг дарга, нийслэлд нийслэл /дүүрэг/-ийн засаг дарга үнэлгээний багийг дахин 1 удаа 5 хоногийн дотор томилно.

3.5. Томилогдсон үнэлгээний баг ажлын 5 хоногийн дотор үнэлж дүгнэлтийг аймаг /сум/-ын засаг дарга, нийслэлд нийслэл /дүүрэг/-ийн засаг даргад хүргүүлнэ.

3.6. Гэрээний хэрэгжилтийг дүгнэхдээ гүйцэтгэлийн шалгуур үзүүлэлтэд хамаарахгүй баримт бичиг, бусад материалыг өрхийн эрүүл мэндийн төвөөс шаардахыг хориглоно.

3.7. Гэрээний гүйцэтгэл, үр дүнг харьяалах нутаг дэвсгэрийн хүн амд танилцуулна.

Дөрөв. Үнэлгээний баг ажиллуулах

4.1. Үнэлгээний багийн гишүүдийг аймаг /сум/-ын засаг дарга, нийслэлд нийслэл /дүүрэг/-ийн засаг дарга захирамж гарган томилно.

4.2. Үнэлгээний баг нь 5-7 хүний бүрэлдэхүүнтэй дараах албан тушаалтны төлөөлөлтэй байна. Үүнд:

4.2.1. Үнэлгээний багийн дарга: Аймаг, нийслэлийн /сум, дүүргийн/ Засаг даргын Тамгын газрын Нийгмийн хөгжлийн хэлтсийн дарга

4.2.2. Үнэлгээний багийн нарийн бичгийн дарга: Аймгийн эрүүл мэндийн газар, дүүргийн эрүүл мэндийн төвийн эмнэлгийн тусламж, үйлчилгээний асуудал хариуцсан нэгжийн дарга

4.2.3. Гишүүд:

4.2.3.1 Аймгийн эрүүл мэндийн газар, дүүргийн эрүүл мэндийн төвийн анхан шатны тусламж, үйлчилгээ хариуцсан мэргэжилтэн

4.2.3.2 Аймгийн эрүүл мэндийн газар, дүүргийн эрүүл мэндийн төвийн тусламж, үйлчилгээний чанар, аюулгүй байдал хариуцсан мэргэжилтэн

4.2.3.3 Эрүүл мэндийн газрын, эрүүл мэндийн төвийн статистикийн асуудал хариуцсан мэргэжилтэн

4.2.3.4 Монголын өрхийн анагаах ухааны мэргэжилтнүүдийн холбоо болон бусад төрийн бус байгууллага

4.2.3.5 Харьяаллын иргэний төлөөлөл

4.3. Томилогдсон үнэлгээний баг гэрээний хэрэгжилтийг дүгнэх хуваарийг тухайн жилийн арван хоёрдугаар сарын 20-нд өрхийн эрүүл мэндийн төвд мэдэгдэнэ.

Тав. Гэрээг дуусгавар болгох

5.1. Гэрээний хэрэгжилтийн үнэлгээ, дүгнэлтийг үндэслэн төвийн гэрээг дуусгавар болгох эсэхийг дор дурдсан байдлаар шийдвэрлэнэ. Үүнд:

5.1.1. Бүтэн жилийн буюу дараа оны 1 дүгээр сарын үнэлгээгээр "хангалтгүй" үнэлгээ авсан;

5.1.2. Гэрээнд заасан ажил, үйлчилгээг гүйцэтгэхээс татгалзсан;

5.1.3. Эмчилгээ, үйлчилгээний ноцтой доголдол гаргаж, иргэний эрүүл мэндэд хохирол учруулсан нь эрх бүхий байгууллагаар тогтоогдсон;

5.1.4. Хөрөнгө, санхүү, үйл ажиллагааны талаарх хууль тогтоомж зөрчсөн нь нотлогдсон;

5.1.5. Төрийн болон орон нутгийн өмчийг шамшигдуулсан.

5.2. Гэрээг цуцалсан тохиолдолд холбогдох тушаал, шийдвэрийн дагуу дараагийн төвийг сонгон шалгаруулж, гэрээ байгуулах хүртэлх хугацаанд тусламж, үйлчилгээг тасралтгүй явуулах үүргийг урьд гэрээтэй байсан өрхийн эрүүл мэндийн төв гүйцэтгэнэ.

Зургаа. Гэрээг дүгнэх аргачлал

6.1. Гэрээний хэрэгжилтийг энэхүү тушаалын гуравдугаар хавсралтаар баталсан гүйцэтгэлийн шалгуур үзүүлэлтээр дүгнэнэ.

6.2. Гүйцэтгэлийн шалгуур үзүүлэлт нь:

6.2.1. өвөрмөц шалгуур

6.2.2. тусламж, үйлчилгээний үндсэн үзүүлэлт

6.2.3. нийтлэг шалгуур үзүүлэлт

6.2.4. дээд шатны байгууллагын үнэлгээнээс бүрдэнэ.

6.3. “Өвөрмөц шалгуур үзүүлэлт”-ийг “Өрх, сум тосгоны эрүүл мэндийн төвд үзүүлэх тусламж, үйлчилгээний журам, жагсаалт”-ын дагуу Эрүүл мэндийн даатгалын ерөнхий газраас дүгнэсэн тусламж, үйлчилгээний чанар, үр дүнгийн үнэлгээгээр үнэлэх ба нийт үнэлгээний 55 хүртэлх хувийг эзэлнэ.

6.4. “Тусламж, үйлчилгээний үндсэн үзүүлэлт”-ийг статистик мэдээ тайлан, үнэлгээний багийн дүнгээр үнэлэх ба нийт үнэлгээний 20 хүртэлх хувийг эзэлнэ.

6.5. “Нийтлэг шалгуур үзүүлэлт”-ийг төвийн удирдлага, манлайлал, тусламж үйлчилгээний чанар, аюулгүй байдал, үндсэн үзүүлэлт, санхүү төсөв, хөрөнгө хамгаалал зэрэг шалгуураар үнэлэх ба нийт үнэлгээний 20 хүртэлх хувийг эзэлнэ.

6.6. “Дээд шатны байгууллагын үнэлгээ” Нийслэлийн эрүүл мэндийн газар, салбарын хяналтын газар болон бусад төрийн байгууллагын төлөвлөгөөт болон зорилтот хяналт, үнэлгээний дүнгээр үнэлэх ба нийт үнэлгээний 5 хүртэлх хувийг эзэлнэ.

6.7. Нэмэлт үзүүлэлт нь энэхүү тушаалыг гуравдугаар хавсралтын Хүснэгт 4-т заасан шалгуурт тухайн Өрхийн эрүүл мэндийн төвийн үйл ажиллагааг онцгойлон сайн гэж үнэлэгдсэн тохиолдолд үндсэн үнэлгээний 100 оноос гадна нэмэлтээр 5 хүртэлх оноогоор үнэлнэ.


6.8. Гэрээний хэрэгжилтийг дараах 2 хэлбэрээр дүгнэнэ.

6.8.1. Цахим

6.8.2. Ажлын байранд үнэлсэн үнэлгээ

- 6.9. Хэрэгжилтийг үнэлэхдээ 100 хувийн үнэлгээний дүнгээр үнэлнэ. Үүнд:
- 6.9.1. Өвөрмөц шалгуур 55 хувь байна. Эрүүл мэндийн даатгалын ерөнхий газраас дүгнэсэн тусламж, үйлчилгээний чанар, үр дүн 80 ба түүнээс дээш хувиар үнэлэгдсэн тохиолдолд 80 оноо буюу 55 хувь,
 - 6.9.2. Тусламж, үйлчилгээний үндсэн үзүүлэлт 20 оноо буюу 20 хувь,
 - 6.9.3. Нийтлэг шалгуур 20 оноо буюу 20 хувь,
 - 6.9.4. Дээд шатны байгууллагын үнэлгээ 5 оноо буюу 5 хувь гэж тус тус тооцно.
- 6.10. Шалгуур үзүүлэлт тус бүр ногдсон оноотой байна.
- 6.10.1. Шалгуур үзүүлэлт бүрийн нийлбэр оноогоор бүлэг бүрийн нийлбэр онооны дүн гарна.
 - 6.10.2. Шалгуурт бүрэн нийцсэн бол зөвхөн бүтэн оноо өгнө. Оноог хагаслаж өгөхгүй.
 - 6.10.3. Бүлэг бүрийн онооны нийлбэрээр гүйцэтгэлийн хэрэгжилтийн нийт оноо /ерөнхий дүн/ гарна.
- 6.11. Хагас бүтэн жилийн үнэлгээний нийлбэрийн дундаж үзүүлэлтээр тухайн Өрхийн эрүүл мэндийн төвийн бүтэн жилийн үнэлгээний дүн гарна.
- 6.12. Гэрээний хэрэгжилтийн ерөнхий дүн 80,0 хувь ба түүнээс дээш бол "Хангалттай", 79,0 хувь ба түүнээс доош бол "Хангалтгүй" гэж тооцно.

Эрүүл мэндийн сайдын 2024 оны 03
дугаар сарын 15 өдрийн 122 дугаар
тушаалын хоёрдугаар хавсралт



БАТЛАВ.

АЙМАГ/сум/, НИЙСЛЭЛ
/дүүрэг/ -ИЙН ЗАСАГ
ДАРГА

.....
/гарын үсэг, тамга/

**ӨРХИЙН ЭРҮҮЛ МЭНДИЙН ТӨВТЭЙ
БАЙГУУЛАХ ГЭРЭЭНИЙ ЗАГВАР**

Дугаар.....

20... он.... сар....өдөрхот

Иргэний хуулийн 189 дүгээр зүйлийн 189.1 дэх хэсэг, 343 дугаар зүйлийн 343.1 дэх хэсэг, Нөхөрлөлийн тухай хуулийн 19 дүгээр зүйл, Эрүүл мэндийн тухай хуулийн 16.2 дахь заалт, Эмнэлгийн тусламж, үйлчилгээний тухай хуулийн 5 дугаар зүйлийн 5.4,17 дугаар зүйлийн 17.1 дэх, Эрүүл мэндийн даатгалын тухай хууль 10.2, 9.1.9 дэх хэсэгт заасныг тус тус үндэслэн;

Нэг талаас /цаашид захиалагч гэх/ Эрүүл мэндийн газар, Эрүүл мэндийн төвийн дарга “.....” харьяалах нутаг дэвсгэрийн хүн амд үзүүлэх эрүүл мэндийн анхан шатны тусламж, үйлчилгээг сайжруулах, салбарын бодлогыг хэрэгжүүлэхэд дэмжлэг үзүүлэх, хяналт тавих”

Нөгөө талаас /цаашид гүйцэтгэгч гэх/ “.....”
Өрхийн эрүүл мэндийн төвийн дарга нар харьяалах нутаг дэвсгэрийн өрх бүрд эрүүл мэндийн анхан шатны тусламж, үйлчилгээг чанар, хүртээмжтэй, чирэгдэлгүй үзүүлэх зарчмыг баримтлан харилцан тохиролцож 20.... оны сарын-ны өдөр энэхүү гэрээг / цаашид “гэрээ” гэх/ байгуулав.

Нэг. Нийтлэг үндэслэл

1.1.Энэхүү гэрээ нь: “.....” Өрхийн эрүүл мэндийн төв /цаашид төв гэх/ -өөс харьяалах нутаг дэвсгэрийн хүн амд төрөөс үзүүлэх эрүүл мэндийн анхан шатны цогц тусламж, үйлчилгээг чанартай, аюулгүй, тэгш, хүртээмжтэй, тасралтгүй үзүүлэхтэй холбоотой харилцааг зохицуулахад оршино.

- 1.2. Гэрээний салшгүй хэсэг нь гүйцэтгэлийн шалгуур үзүүлэлт байна.
- 1.3. Талууд гэрээгээр хүлээсэн үүргийг бүрэн биелүүлэх талаар харилцан шаардлага тавих, үүргээ биелүүлэхгүй нөхцөлд хариуцлага хүлээх асуудлаар тэгш эрх эдэлнэ.

Хоёр. Гэрээний хугацаа, хэрэгжилт

- 2.1. "Хангалттай" үнэлгээтэй дүгнэгдсэн төвтэй нэг жилээр гэрээг байгуулна.
- 2.2. Гэрээг тухайн оны 01 дүгээр сарын 25-ны өдрийн дотор байгуулна.
- 2.3. Гэрээний хэрэгжилтийг жилд 2 удаа тухайн жилийн долоодугаар сар, дараа жилийн 1 дүгээр сарын 05-ны өдрийн дотор үнэлнэ.

Гурав. Өрхийн эрүүл мэндийн төвөөс гэрээний хүрээнд үзүүлэх тусламж, үйлчилгээ

- 3.1. Төв нь Эрүүл мэндийн асуудал эрхэлсэн төрийн захиргааны төв байгууллагаас баталсан "Өрх, сум, тосгоны эрүүл мэндийн төвд үзүүлэх тусламж, үйлчилгээний журам, жагсаалт, гүйцэтгэлийг үнэлэх шалгуур үзүүлэлтийг шинэчлэн батлах тухай" тушаалд заасан тусламж, үйлчилгээг үзүүлнэ.

Дөрөв. Аймаг, нийслэлийн Эрүүл мэндийн газрын даргын үүрэг, эрх

- 4.1. Аймаг, нийслэлийн Эрүүл мэндийн газрын дарга нь дараах үүргийг хүлээнэ. Үүнд:
- 4.1.1. Төвийг мэргэжлийн арга зүйн удирдлагаар хангаж, бие даан ажиллах боломж нөхцөлийг бүрдүүлэх;
- 4.1.2. Төвд мөрдөгдөж буй хууль, тогтоомж, стандарт, дүрэм, журам, тушаал, шийдвэрийн хэрэгжилтэд хяналт тавих;
- 4.1.3. Төвийн үйл ажиллагаатай холбоотой иргэн, байгууллагаас ирүүлсэн санал, хүсэлт, гомдлыг шуурхай барагдуулж, эргэн мэдээлэх;
- 4.1.4. Төвийн эмч, мэргэжилтнүүдийг цаг үеийн болон мэргэжлийн холбогдолтой мэдээллээр тогтмол хангаж ажиллах;
- 4.1.5. Төвийг эрүүл мэндийн тусламж, үйлчилгээ үзүүлэхэд шаардагдах тоног төхөөрөмж, багаж, хэрэгсэл, оношлуураар хангахад дэмжлэг үзүүлэх;
- 4.1.6. Төвд шаардлагатай багаж, тоног төхөөрөмжийн зардлыг жил бүрийн улсын болон орон нутгийн төсөв, гадаад, дотоодын зээл тусламжид хамруулах, төсөвт тусган, захиалж хангах;
- 4.1.7. Төвийн эмч мэргэжилтнүүдэд эмнэлгийн мэргэжилтний ёс зүйн хэм хэмжээг мөрдүүлэх, соён гэгээрүүлэх ажлыг зохион байгуулах;
- 4.1.8. Мэргэжлийн хяналт, Эрүүл мэндийн даатгалын болон бусад байгууллагаас ирүүлсэн акт, шаардлага, зөвлөмжийг хэрэгжүүлэхэд дэмжлэг үзүүлэх;
- 4.1.9. Төвийн үйл ажиллагааны гүйцэтгэл, үр дүнгээс хамааран шагнал урамшуулал олгох, холбогдох байгууллагуудад уламжлан шийдвэрлүүлэх.

4.2. Аймаг, нийслэлийн Эрүүл мэндийн газрын дарга нь дараах эрхийг эдэлнэ.Үүнд:

4.2.1. Иргэдэд чанартай, аюулгүй, тэгш, хүртээмжтэй тусламж, үйлчилгээг үзүүлэх талаар төвд шаардлага тавих;

4.2.2. Жирэмсэн эх, нярай хүүхэд, 65-с дээш насны ахмад настан, хөгжлийн бэрхшээлтэй иргэнийг гэрийн эргэлтээр хянах;

4.2.3. Төвөөс иргэдийг эрүүл мэндийн урьдчилан сэргийлэх, эрт илрүүлэх үзлэгт хамруулах, эрүүл мэндийн байгууллага хоорондын уялдаа холбоог хангах үйл ажиллагааг зохицуулах;

4.2.4. Нийгмийн эрүүл мэндийн онцгой байдал, гамшиг, осол, нийтийг хамарсан халдварт өвчний үед холбогдох хууль тогтоомжийн дагуу үйл ажиллагаа зохион байгуулах;

4.2.5. Төвийн үйл ажиллагаатай холбоотой иргэний өргөдөл, гомдлын мөрөөр хяналт, шалгалт хийх;

4.2.6. Мэргэжлийн хяналт, Эрүүл мэндийн даатгалын болон бусад байгууллагаас ирүүлсэн акт, шаардлага, зөвлөмжийг хэрэгжүүлэх талаар шаардлага тавих.

Тав. Өрхийн эрүүл мэндийн төвийн даргын үүрэг, эрх

5.1. Төвийн дарга нь дараах үүргийг хүлээнэ.Үүнд:

5.1.1. Эрүүл мэндийн тухай хууль, Эмнэлгийн тусламж, үйлчилгээний тухай хууль, Нөхөрлөлийн тухай хууль, Эрүүл мэндийн даатгалын тухай хууль, бусад тогтоомж, тушаал, Өрхийн эрүүл мэндийн төвийн дүрэм, стандартад заасан үүргийг хүлээж ажиллах;

5.1.2. Тусламж, үйлчилгээг чанар, хүртээмжтэй, чирэгдэлгүй үзүүлэх зорилгоор хүний нөөцийг бүрдүүлж, өрх бүрд хүрч ажиллах нөхцөлийг ханган зохион байгуулах;

5.1.3. Хүний нөөцийг бүрдүүлэх, хөгжүүлэх, дадлагажуулах, нийгмийн асуудлыг шийдвэрлэх цогц төлөвлөгөө хэрэгжүүлж, ажлын байрны эрүүл, аюулгүй орчин бүрдүүлэх, төвийн эмч, ажилтнуудын нийтлэг эрх ашгийг хамгаалах;

5.1.4. Эмнэлгийн мэргэжилтний ёс зүйн хэм хэмжээг мөрдөж, мэргэжлийн үүргийг чанд биелүүлж, хамт олон, баг бүрдүүлж ажиллах;

5.1.5. Үйлчлэх хүрээний айл өрхийг эрүүл мэндийн байдлаар 3, хүн амыг эрүүл мэндийн байдлаар 5 бүлгээр ангилан, бүлэг бүрд тусгайлан чиглэсэн эрүүлжүүлэх үйл ажиллагааг үр дүнтэй зохион байгуулж, хяналт тавьж үр дүнг тооцох;

5.1.6. Төвийн үйл ажиллагааг хэвийн явуулахад зайлшгүй шаардлагатай эм, эмнэлгийн хэрэгсэл, багаж, тоног төхөөрөмж, техник хэрэгсэл, бусад материалаар хангах;

5.1.7. Үйлчлэх хүрээний хүн амын эрүүл мэндэд нөлөөлж байгаа эрсдэлт хүчин зүйлсийг судлах, арилгах талаар шийдвэр гаргах түвшинд асуудал тавих, шийдвэрлүүлэх;

5.1.8. Үйлчлэх хүрээний хүн амын эрүүл мэндийг хамгаалах, дэмжих

асуудлаар төрийн болон төрийн бус байгууллагуудтай хамтран ажиллах;

5.1.9. Эрүүл мэндийн цахим системийг ашиглах, мэдээ, мэдээллийг боловсруулах, дүн шинжилгээ хийх, шийдвэр гаргахад ашиглах, шаардлагатай үнэн бодит мэдээллийг холбогдох байгууллагад тухай бүр хугацаанд нь илгээх;

5.1.10. Төсөв санхүүгийн холбогдох хууль, дүрэм, журмыг чанд сахиж, санхүү хөрөнгийг оновчтой, зөв зарцуулж, хамт олон, иргэдэд нээлттэй мэдээлэх;

5.1.11. Төвийн үйл ажиллагааг хэвийн явуулах, үйлчлэх хүрээний хүн амд үзүүлэх эрүүл мэндийн тусламж, үйлчилгээний чанар, хүртээмжийг сайжруулах, тулгамдсан асуудлаа холбогдох байгууллагад тухай бүр тавьж шийдвэрлүүлэх;

5.1.12. Үйлчлүүлэгчийн мэдээлэл хайх, хүлээн авах, эмчээ сонгох эрхийг ханган эмч, эмнэлгийн мэргэжилтүүдийн мэдээллийг ил тод байршуулах.

5.1.13. Тусламж үйлчилгээний чанар, үр дүнд үндэслэн олгож буй санхүүжилтийг зориулалтын дагуу үр ашигтай захиран зарцуулах, өр үүсгэхгүй байх;

5.1.14. Төвийн эд, хөрөнгийг ариг гамтай ашиглахад хяналт тавих, өөр байгуулагад шилжүүлсэн, үрэгдүүлсэн тохиолдолд хариуцлага хүлээх, нөхөн төлөх.

5.2. Төвийн дарга нь дараах эрхийг эдэлнэ.

5.2.1 Эрүүл мэндийн тухай хууль болон бусад холбогдох, хууль тогтоомж, өрхийн эрүүл мэндийн төвийн дүрэмд заасан эрхийг эдлэх,

5.2.2 Хөдөлмөрийн тухай хууль болон бусад хууль, дүрэм, тушаалыг зөрчсөн аливаа асуудлыг хуулийн дагуу шийдвэрлүүлэх,

5.2.3 Бусад талуудыг гэрээгээр хүлээсэн үүргээ биелүүлэхийг шаардах,

5.2.4 Батлагдсан төсвийг нөхөрлөлийн гишүүдийн хурлыг шийдвэрээр зөв зохистой зарцуулах,

5.2.5 Тусламж, үйлчилгээний гүйцэтгэлд хяналт тавьж, санхүүжилтийг бүрэн авах.

Зургаа. Тайлагнах

6.1. Төв нь гүйцэтгэлийн шалгуур үзүүлэлт болон гэрээний хэрэгжилтийн тайланг хагас, бүтэн жилээр гарган аймаг, нийслэлийн Эрүүл мэндийн газарт хүргүүлнэ.

6.2. Эрүүл мэндийн даатгалын үндэсний зөвлөлөөс баталсан анхан шатны эрүүл мэндийн тусламж, үйлчилгээний багц, түүний санхүүжилт, хяналттай холбоотой тогтоол, шийдвэрт заасан шаардлагын дагуу холбогдох газарт нь тайлагнана.

Долоо. Гэрээг цуцлах

7.1. Гэрээг дараах тохиолдолд цуцална

7.1.1. Гэрээгээр хүлээсэн чиг үүргээ "Хангалтгүй" биелүүлсэн,

7.1.2. Төв нь гэрээнд заасан ажил үйлчилгээг гүйцэтгэхээс татгалзсан,

7.1.3. Эмчилгээ, үйлчилгээний ноцтой доголдол гаргаж, иргэний эрүүл мэндэд хохирол учруулсан нь эрх бүхий байгууллагаар тогтоогдсон,

7.1.4. Хөрөнгө, санхүү, үйл ажиллагааны талаарх хууль тогтоомжийн ноцтой зөрчил гаргасан нь шалгалтаар илэрсэн,

7.1.5. Төрийн болон орон нутгийн өмчийг шамшигдуулсан,

7.2. Гэрээ цуцлагдан дараагийн өрхийн эрүүл мэндийн төвийг сонгон шалгаруулж, гэрээ байгуулах хүртэлх хугацаанд гэрээ нь цуцлагдаж буй төв иргэдэд тусламж, үйлчилгээ тасралтгүй үзүүлэх үүргийг хүлээнэ.

Найм. Маргаан шийдвэрлэх

8.1. Энэ гэрээнд заагдаагүй аливаа асуудлыг Монгол улсад дагаж мөрдөж буй хууль, тогтоомжоор зохицуулна.

8.2. Гэрээний хэрэгжилтийн гүйцэтгэлийн үнэлгээг хүлээн зөвшөөрөөгүй тохиолдолд Өрхийн эрүүл мэндийн төв нь 2 хоногийн дотор гомдол гаргана.

8.3. Гомдол гаргасан тохиолдолд аймаг, нийслэлийн Засаг дарга үнэлгээний багийг дахин 1 удаа 5 хоногийн дотор томилно.

8.4. Томилогдсон үнэлгээний баг ажлын 5 хоногийн дотор үнэлж, дүгнэлт гаргаж, аймаг, нийслэлийн Засаг даргад хүргүүлнэ.

8.5. Дахин томилогдсон үнэлгээний багийн дүгнэлтийг хүчин төгөлдөрт тооцно.

8.6. Гэрээтэй холбоотой маргааныг талууд ойлголцож, харилцан тохиролцох замаар шийдвэрлэж болно.

Ес. Бусад зүйл

9.1. Талууд энэхүү гэрээгээр хүлээсэн эрх, үүргээ аль нэг талын албан ёсны зөвшөөрөлгүйгээр гуравдагч этгээдэд хэсэгчлэн буюу бүрэн хэмжээгээр шилжүүлэхийг хориглоно.

9.2. Гэрээ байгуулах, цуцлах, дуусгавар болгох, хэрэгжилттэй холбоотой бусад асуудлыг энэхүү журмаар зохицуулна.

9.3. Гэрээг жил бүрийн 01 дүгээр сард батааж гэрээ байгуулна, 3 хувь үйлдэнэ.

ЗАХИАЛАГЧ:

АЙМАГ/НИЙСЛЭЛИЙН ЭРҮҮЛ
МЭНДИЙН ГАЗРЫН ДАРГА

.....

/гарын үсэг, тамга/

ГҮЙЦЭТГЭГЧ:

ӨРХИЙН ЭРҮҮЛ МЭНДИЙН
ТӨВИЙН ДАРГА

.....

/гарын үсэг, тамга/



Эрүүл мэндийн сайдын 2024 оны 03 дугаар сарын 15 өдрийн 1122 дугаар тушаалын гуравдугаар хавсралт

ӨРХИЙН ЭРҮҮЛ МЭНДИЙН ТӨВИЙН ГҮЙЦЭТГЭЛИЙН ШАЛГУУР ҮЗҮҮЛЭЛТ

Хүснэгт 1. Тусламж, үйлчилгээний үндсэн үзүүлэлт

Д/д	Шалгуур үзүүлэлт	Үр дүн	Авбал зохих оноо	Авсан оноо	Гэрээ дүгнэх хэлбэр		Мэдээллийн эх сурвалж
					Цахим	Үнэлгээн	
Нэг. Хүүхдийн хяналт							
1.	Цус багадалт	Эрт илрүүлэг, үзлэг шинжилгээгээр шинээр цус багадалттай илэрсэн хүүхдийн тоо	4		✓		Үнэлгээний баг санамсаргүй түүврийн аргаар 10 хүүхдийн эрүүл мэндийн дэвтрээс шүүж үзэхэд 100% нотлогдсон байх (1 тохиолдол нотлогдоогүй тохиолдолд авах ёстой бүх оноог хасна)
2.	Тураал	Эрт илрүүлэг, үзлэг шинжилгээгээр шинээр тураалтай илэрсэн хүүхдийн тоо	4		✓		Үнэлгээний баг санамсаргүй түүврийн аргаар 10 хүүхдийн эрүүл мэндийн дэвтрээс шүүж үзэхэд 100% нотлогдсон байх (1 тохиолдол нотлогдоогүй авах ёстой бүх оноог хасна)
3.	Илүүдэл жин	Эрт илрүүлэг, үзлэг шинжилгээгээр шинээр илүүдэл жинтэй илэрсэн хүүхдийн тоо	4		✓		Үнэлгээний баг санамсаргүй түүврийн аргаар 10 хүүхдийн эрүүл мэндийн дэвтрээс шүүж үзэхэд 100% нотлогдсон байх (1 тохиолдол нотлогдоогүй авах ёстой бүх оноог хасна)
4.	Стрептококкын халдварын илрүүлэг	Стрептококкын халдварын илрүүлэх үзлэг шинжилгээнд хамрагдсан хүүхдийн тоо	4		✓		Үнэлгээний баг санамсаргүй түүврийн аргаар 10 хүүхдийн эрүүл мэндийн дэвтрээс шүүж үзэхэд 100% нотлогдсон байх (1 тохиолдол нотлогдоогүй авах ёстой бүх оноог хасна)

Хоёр. Эх, хүүхдийн эрүүл мэндийн тусламж, үйлчилгээний үндсэн үзүүлэлт

5.	Эхийн эндэгдэл	Эхийн эндэгдэл ӨЭМТ-ийн үйл ажиллагаанаас шалтгаалсан бол	-4	✓	Эрүүл мэндийн хөгжлийн төвийн статистик үзүүлэлтээс авна (урьдчилан)
6.	0-5 насны хүүхдийн эндэгдэл	0-5 насны хүүхдийн эндэгдэл ӨЭМТ-ийн үйл ажиллагаанаас шалтгаалсан бол (осол, гэмтлээс бусад шалтгаант)	-4	✓	Эрүүл мэндийн хөгжлийн төвийн статистик үзүүлэлтээс авна
7.	Хүн амын нийт нас баралтын тоо	ӨЭМТ-ийн үйл ажиллагаанаас шалтгаалсан бол	-4	✓	Эрүүл мэндийн хөгжлийн төвийн статистик үзүүлэлтээс авна.
8.	Хяналтгүй төрөлт	Харьяалах хүн амын дунд гэрийн төрөлт, амьгүй төрөлт бүртгэгдсэн бол	-4	✓	Эрүүл мэндийн хөгжлийн төвийн статистик үзүүлэлтээс авна
Гурав. Эрсдэлт бүлгийн хүн амын үндсэн үзүүлэлт					
9.	Хяналтад ороогүй тархины цус харвалтын шалтгаант нас баралт	Хяналтад ороогүй тархины цус харвалтын шалтгаант нас баралтын тохиолдол илэрсэн бол	-3	✓	Эрүүл мэндийн хөгжлийн төвийн статистик үзүүлэлтээс авна
10.	Хяналтад ороогүй зүрхний шигдээсийн шалтгаант нас баралт	Хяналтад ороогүй зүрхний шигдээсийн шалтгаант нас баралтын тохиолдол илэрсэн бол	-3	✓	Эрүүл мэндийн хөгжлийн төвийн статистик үзүүлэлтээс авна
11.	Хяналтад ороогүй шижингийн чихрийн хүндрэл (бөөрний дутагдал, цус тайрах мэс засал) илэрсэн	Хяналтад ороогүй чихрийн шижингийн хүндрэл (бөөрний дутагдал, цус харвалт, хөл тайрах мэс засал) илэрсэн бол	-3	✓	Эрүүл мэндийн хөгжлийн төвийн статистик үзүүлэлтээс авна
Дөрөв. Хөгжлийн бэрхшээлтэй иргэнд үзүүлэх тусламж, үйлчилгээний үнэлгээ					
12.	Хөгжлийн бэрхшээлтэй иргэдийн хяналт	Харьяаллын хүн амын нийт хөгжлийн бэрхшээлтэй иргэнийг жилд 2 удаа 100% хянасан байх	2	✓	Эрүүл мэндийн дэвтрээр 100% нотлогдсон байх
13.	Хөгжлийн бэрхшээлтэй иргэдэд хөдөлгөөн хийх зөвлөгөө өгөх	Харьяаллын хүн амын нийт хөгжлийн бэрхшээлтэй иргэнийг жилд 2 удаа 100% зөвлөгөө өгсөн байх	1	✓	Эрүүл мэндийн дэвтрээр 100% нотлогдсон байх
14.	Хөгжлийн бэрхшээлтэй иргэдэд тусламж үйлчилгээ үзүүлсэн байх	Харьяаллын хүн амын нийт хөгжлийн бэрхшээлтэй иргэдийн 80-аас доошгүй хувьд сэргээн засах тусламж, үйлчилгээ үзүүлсэн байх	1	✓	Эрүүл мэндийн даатгалын цахим программыг ашиглан
Бүлгийн нийт оноо (B) = (Авсан "+" оноо) - (Авсан "-" оноо)			20		

Хүснэгт 2. Нийтлэг шалгуур үзүүлэлт

д/д	Шалгуур үзүүлэлт	Үр дүн	Авбал зохих оноо	Гэрээ дүгнэх хэлбэр		Мэдээллийн эх сурвалж
				Цахим	Үнэлгээний баг	
Нэг. Төвийн даргын дэмжлэгт удирдлага, манлайлал						
1.	Нөхөрлөл байгуулсан гэрээ, гэрээний хэрэгжилт	Гэрээний хэрэгжилтийн хувь 80%-иас дээш байх	1		✓	<ul style="list-style-type: none"> Гэрээнд шалгуур үнэлгээ, үнэлэх аргачлал, үзүүлэх үйлчилгээ тусгасан байх Гэрээний хэрэгжилтийг хэрэгжилтийн тайлан
2.	Нөхөрлөлийн гишүүнд хамрагдсан эмнэлгийн мэргэжилтний хувь	Эмч, мэргэжилтний 70% иас доошгүй хамруулсан байх байна.	1	✓		Улсын бүртгэлийн ерөнхий газар https://burtgel.gov.mn
3.	ӨЭМТ-ийн хэрэгжилт	80%-иас доошгүй байх	1		✓	ӨЭМТ-ийн дүрмийн хэрэгжилтийн тайлан <ul style="list-style-type: none"> Харьяалал хүрээний хүн амын нэгдсэн бүртгэл
4.	Мэдээллийн нэгдмэл байдал	Төвийн хариуцсан байршлын хүн амын жагсаалт файлаар байх	2		✓	<ul style="list-style-type: none"> Эрүүл мэндийн бүлгийн ангилал Эрүүл мэндийн бүлгийн шилжилт
Хоёр. Иргэдийн сэтгэл ханамжийн байдал						
5.	Ёс зүйн зөрчил гаргаагүй байх	Бүртгэгдээгүй байх	1		✓	Аймаг, нийслэлийн эрүүл мэндийн газрын Ёс зүйн салбар хорооны тодорхойлолтоор үнэлнэ <ul style="list-style-type: none"> Үнэлгээний баг явцын болон жилийн эцсийн үнэлгээгээр ажилтнуудаас үнэлгээ авч үнэлнэ
6.	Хамт олны ханамжийн хувь	90% доошгүй байх	0,5		✓	<ul style="list-style-type: none"> ЭМТҮЦАБ-ын багийн авсан үнэлгээ

7.	Үйлчлүүлэгчийн ханамжийн хувь, сэтгэл ханамжийн судалгааны мөрөөр хэрэгжүүлсэн арга хэмжээний хэрэгжилт	Үнэлгээ өгсөн үйлчлүүлэгчийн тоо нийт ирж үйлчлүүлсэн иргэдийн 30 хувиас доошгүй байх Үнэлгээ өгсөн иргэдийн 50 хувиас доошгүй нь сэтгэл ханамжтай үнэлсэн байх	0.5	✓	1313.mn Статистик мэдээллийн сангаас авна
8.	Сэтгэл ханамжгүй үнэлгээ өгсөн иргэдийн бүртгэл, түүний мөрөөр хийсэн арга хэмжээний төлөвлөгөө, тайлан	Сэтгэл ханамжгүй үнэлгээ өгсөн иргэдийн бүртгэл, түүний мөрөөр хийсэн арга хэмжээний төлөвлөгөө, тайлантай байх		✓	Сэтгэл ханамжийн судалгаанд хамрагдсан иргэдийн бүртгэл, түүний мөрөөр хийсэн арга хэмжээний төлөвлөгөө, тайлан
Гурав. Хүний нөөцийн хөгжил					
9.	Хүний нөөцийн, тогтвор суурьшил	Стандартад заасан орон тоогоор ажиллаж байгаа бол	1	✓	https://www.nbaatgal.mn/ Нийгмийн даатгалын цахим программаас харна
10.		3-с дээш жил ажилласан ажилчдын хувь 60%-с дээш байх	1	✓	https://hdc.gov.mn/ Эрүүл мэндийн хөгжлийн төвийн хүний нөөцийн мэдээний сангаас харна.
11.	Өрхийн анагаах ухаан болон бусад нарийн мэргэжлээр мэргэшсэн эмнэлгийн мэргэжилтний злэх хувь	Эмнэлгийн мэргэжилтний >50% нь мэргэшсэн байх Багц цагийн сургалтад 100% хамрагдсан байх	1	✓	https://hdc.gov.mn/ Эрүүл мэндийн хөгжлийн төвийн хүний нөөцийн мэдээний сангаас харна.
Дөрөв. Нээлттэй ил тод байдал					
12.	Санхүүгийн ил тод байдал	Санхүүгийн цахим тайлан мэдээ нээлттэй байх	1	✓	https://shilendans.gov.mn/
13.	Хүний нөөцийн ил тод байдал	Хүний нөөцийн мэдээлэл иргэд, харилцагч байгууллагуудад нээлттэй байх	1	✓	1313.mn - Статистик мэдээллийн санд мэдээлэл бүрэн орсон байгааг дүгнэнэ.
Тав. Тусламж, үйлчилгээний чанар, аюулгүй байдал, халдварын сэргийлэлт, хяналт					
14.	Эмнэлгийн тусламж, үйлчилгээтэй холбоотой тохиолдол, эрсдэлд дүн шинжилгээ хийж мэдээлсэн байдал	Мэдээний нэгдсэн санд бүртгэсэн ЭТҮ-тэй холбоотой тохиолдол, эрсдэлийн тоо	1	✓	http://www.eburtgel.moh.gov.mn/
15.	ХСХ-ын төлөвлөгөөний биелэлтийн хувь		0.2	✓	ЭМ-ийн сайдын А/536, 537, 538, 539 тушаал
16.	Эрүүл мэндийн ажилтнуудыг халдвараас сэргийлэх		0.2	✓	

	сургалт зохион байгуулсан байдал	<ul style="list-style-type: none"> Тушаал журам, зааврын дагуу арга хэмжээ авсан бүртгэл, тайлан мэдээ, Гэрээний хэрэгжилтийн тайлан гаргасан байна. 	0,2	✓					
17.	Эрүүл мэндийн ажилтнуудыг урьдчилан сэргийлэх үзлэг, дархлаажуулалт хийсэн байх, өртөлтөөс сэргийлэх арга хэмжээ		0,2	✓					
18.	Давтан хэрэглэдэг багаж, хэрэгслийн ариутгалын үйл ажиллагааны хэрэгжилт		0,2	✓					
19.	Эрүүл мэндийн ажилтнуудын гарын эрүүл ахуй сахиу хөхцөл бүрдүүлсэн эсэх	Гарын эрүүл ахуй сахиу орчныг журмын дагуу бүрдүүлсэн	0,2	✓					
20.	ЭТҮХХ-ыг илрүүлэх тандалт хийсэн тоо, идэвхтэй, идэвхгүй тандалтын мэдээ	Журам, зааварт заасан тандалтуудыг хийж, халдварыг илрүүлж бүртгэж мэдээлдэг, хариу арга хэмжээ авсан бүртгэл	1	✓					
21.	Аюултай хог хаягдлын, устгал менежментийн үйл ажиллагаа	Аюултай хог хаягдлын менежментийн төлөвлөгөөний хэрэгжилтийн тайлан Гэрээтэй байх, гэрээний	0,5	✓					Гэрээний хугацаа, гэрээний дагуу хог хаягдал, устгалын бүртгэл хөтлөлт, баталгаажуулалт
Зургаа. Тоног төхөөрөмж									
22.	Стандартад заасан тоног төхөөрөмжөөр хангагдсан хувь	Стандартад заасан тоног төхөөрөмжөөр бүрэн хангаж, баталгаажилтыг >80%-д хүргэсэн байна	0,5	✓					ӨЗМТ-ийн бүтэц, үйл ажиллагаа MNS 5292:2017 стандарт
23.	Тоног төхөөрөмжийн засвар үйлчилгээ, баталгаажилтад хамрагдсан хувь	Шалгалт тохируулгын үр дүнгийн хуудас, Тоног төхөөрөмжийн техник үйлчилгээний хуудас	0,5	✓					Шалгалт тохируулгын үр дүн
Долоо. Төсвийн тухай хууль болон Нягтлан бодох бүртгэлийн тухай хууль, шилэн дансны тухай хуулийн хэрэгжилт									
24.	Нэг иргэнд ноогдох санхүүжилтийн зарцуулалт	Батлагдсан төсөвт багтаан орон тоо, ажиллагсдын цалин хөлсийг тогтоосон байна.	1	✓					Төсвийн хуваарь, нөхөрлөлийн хурлын шийдвэр
25.	Төсвийн гүйцэтгэлийн мэдээг хугацаанд нь гаргасан тоо (ТГ-4 маягт), (өглөг авлагын хэмжээнээс хамаарч үнэлэх)	Батлагдсан төсвийг зориулалтын дагуу зарцуулж, өглөг авлага үүсгээгүй ажилласан байна.	0,5	✓					Тайлан, мэдээ, ТГ-4 маягт

26.	Аудитэд хамруулж дүгнэлт гаргуулсан байх	Зөрчилгүй санал дүгнэлт байна	0,5	✓			
27.	Хуулийн хэрэгжилтийн хувь, (Санхүүгийн тайланг улирал бүр гаргасан байх)	Шилэн дансны хуулийн хэрэгжилтийн хангаж ажилласан байх	0.5	✓			ШИЛЭН ДАНС https://shilendans.gov.mn/
28.	Хөрөнгө оруулалтын эх үүсвэрээр ангилж бүртгэсэн хувь	Хөрөнгө оруулалтаар ирж буй хөрөнгийн бүртгэлд НББ-ын тухай хуулийн дагуу 100% тусгаж ажилласан байх /Улсын төсвийн болон гадаадын зээл тусламж, хувь хүний хандив, орон нутгийн эх үүсвэр/	1	✓			
29.	Хагас жилийн үнэлгээний зөвлөмжийн хэрэгжилт	Хэрэгжилтийн хувь 90%-иас дээш байх	1	✓			Хэрэгжилтийн хувиар тооцох
Бүлгийн нийт оноо (С)			20				

Хүснэгт 3. Дээд шатны байгууллагын явцын үнэлгээ, хөндлөнгийн үнэлгээ

Хяналт, үнэлгээ		Шалгуур	Авч болох оноо	Авсан оноо	Үнэлгээний хэлбэр
1	Тусламж, үйлчилгээний холбоотой зорилтот болон төлөвлөгөөт хяналт, үнэлгээ	Удирдамж, үнэлгээний тайлан, бүхий, үнэлгээ "хангалттай" авсан байх	1		Үнэлгээний дүгнэлт, тайлан, зөвлөмжтэй танилцаж
2	Дээд шатны байгууллагын явцын үнэлгээ, хөндлөнгийн чанарын үнэлгээ		1		
3	Лабораторийн чанарын гадаад үнэлгээнд "амжилттай" хамрагдсан байх		1		
4	Эрүүл мэндийн даатгалын ерөнхий газрын хяналт, үнэлгээ		1		
5	Санхүү, санхүүжилтийн зарцуулалтад хийсэн хяналт, үнэлгээ		1		
Бүлгийн нийт оноо (D)			5		

Хүснэгт 4. Нэмэлт үзүүлэлт- ӨЭМТ-ийн үйл ажиллагааны онцгойлон сайн үнэлэгдэх үзүүлэлт

Нэмэлт шалгуур		Шалгуур	Авч болох оноо	Авсан оноо	Үнэлгээний хэлбэр
Нэмэлт шалгуур	ОУ-ын чанарын баталгаажилт	Үнэлгээний онд гэрчилгээ авсан бол	2		Гэрчилгээ, хяналт, шалгалтын аудитын тайлан, зөвлөмжтэй танилцаж
	Төрийн хяналт, шалгалтын дүн	Бага эрсдэлтэй үнэлэгдсэн бол	1		
	Санхүүгийн аудитын дүн	Зөрчилгүй үнэлэгдсэн бол	1		
	Лабораторийн шинжилгээний чанарын гадаад хяналт	"амжилттай" хамрагдсан байх 80-аас дээш хувийн үнэлгээ	1		
			5		

Бүлгийн нийт оноо (D)

Хүснэгт 5. Гэрээний биелэлтийн үнэлгээний дүнгийн нэгтгэлийн загвар

Д/д	Гүйцэтгэлийн шалгуур үзүүлэлт	Авбал зохих оноо	Авсан оноо	Үржүүлэх коэффициент	Нийт оноо
1	Өвөрмөц (A)-55%	80	a	$a/80 * 55$	A
2	Тусламж, үйлчилгээний үндсэн үзүүлэлт (B) 20%	20	b	$b * 1$	B
3	Нийтлэг (C) 20%	20	c	$c * 1$	C
4	Дээд шатны байгууллагын явцын үнэлгээний дүн (D) 5%	5	d	$d * 1$	D
5	Нэмэлт шалгуур (E)-5% <ul style="list-style-type: none"> • ОУ-ын чанарын баталгаажилтын гэрчилгээ авсан бол • Төрийн хяналт, шалгалтаар бага эрсдэлтэй үнэлэгдсэн бол • Санхүүгийн аудитад зерчилгүй үнэлэгдсэн бол • Лабораторийн чанарын гадаад үнэлгээнд "амжилттай" хамрагдсан бол 	5	e	$e * 1$	E
Нийт					Sum (A, B, C)

Үнэлгээний дүгнэлтийг зөвшөөрсөн:

Үнэлгээний багийн ахлагч:

Үнэлгээний багийн гишүүд:

Өрхийн эрүүл мэндийн төвийн дарга

/Гарын үсэг/

/Гарын үсэг/

Жишээ:

Хүснэгт 6. Гэрээний биелэлтийн үнэлгээний дүнгийн нэгтгэлийн загвар

№	Гүйцэтгэлийн шалгуур үзүүлэлт	Авбал зохих оноо	Авсан оноо	Үржүүлэх коэффициент	Нийт оноо (%)
1	Өвөрмөц (A) 55%	80	70	A=70/80*55	48.1
2	Тусламж, үйлчилгээний үндсэн үзүүлэлт (B) 20%	20	16	B=16*1	16
3	Нийтлэг шалгуур (C) 20%	20	18	C=18*1	18
4	Дээд шатны байгууллагын явцын үнэлгээний дүн (D) 5%	5	3	D=3*1	3
5	Нэмэлт шалгуур (E) 5% <ul style="list-style-type: none">• ОУ-ын чанарын баталгаажилтын гэрчилгээ авсан бол• Төрийн хяналт, шалгалтаар бага эрсдэлтэй үнэлэгдсэн бол• Санхүүгийн аудитад зөрчилгүй үнэлэгдсэн бол	5	0	E=e*1	0
Нийт					85.1

Үнэлгээний дүгнэлтийг зөвшөөрсөн:

Үнэлгээний багийн ахлагч:

Үнэлгээний багийн гишүүд:

/Гарын үсэг/

Өрхийн эрүүл мэндийн төвийн дарга

/Гарын үсэг/